

Entrevista cu sra. Rosa Nurys Godet:

Awe tin apertura di Rams Plaza na honor di Ashok Ramchandani awe den feliz memoria!



ORANJESTAD (AAN) – Matutino DIARIO a entrevista e dama, sra. Rosa Nurys Godet, tocante e acto di apertura di Rams Plaza, cu lo tuma lugar awe na honor di señor Ashok Ramchandani, den feliz memoria.

E evento ta consisti di un presentacion cu sra. Godet ta bay haci di un idea cu e tin pa e comunidad di Aruba y cu tin di haber cu sentimento y amor.

Sra. Rosa Nurys a menciona: “Mi a yega Aruba dia 21 di Maart 2014 despues cu mi casa a muri den un accidente cerea di Aeropuerto, akinan”.

Pero el a bin Aruba prome cu esaki si. “Ora cu ami cu mi casa a conoce otro, nos a dicidi di bin Aruba pa busca un lugar hopi trankil pa nos pasa un tempo, y nos a busca un cas. Esaki a sosode na aña 1984. E dia cu nos a yega nos a tuma un auto y dal un trip rond di Aruba, y mas paden mas nos a gusta e isla. Nos a haya aloe, pan bati...y Papiamento ta loke mas mi a gusta, pasobra mi a pensa cu e ta un idioma masha dushi y romantico”, sra. Rosa Nurys a expresa.

El a agrega cu e tempo ey el a bisa su casa cu e ta gusta Papiamento hopi, pasobra nan a biba na Sint Maarten tambe, pero awa no tin hopi hende cu

ta papa e Idioma Papiamento sino mas tanto Hulandes, Ingles y Frances.

“Pero ora nos a yega Aruba nos a scucha tur hende papia Papiamento, y nos a encanta cune. Mi casa a puntra mi si mi kier biba na Aruba, y mi a bise cu si. Tres luna despues nos a bolbe aki, el a cumpra un cas na Palm Beach y otro tereno. Pero un dia mi a bay y den 19 aña mi no a bin mas, pero Ash nunca mas a laga Aruba. Nos a bay Miami pa e educacion di nos yiunan, pero Ash nunca por a keda mas di un siman pafo di Aruba. Aruba ta su cas, su bida y el a dedica su mes na e Isla cu tur su creatividad, su idea y su inversion, tur cos di su ideanan y progreso ta na Aruba, y unda cu el a bay no a papia di Sint Maarten ni di Merca, el a papia di Aruba. E tabata bisa hende cu si nan kier haci inversion bin Aruba, cu ta un paradise”, e dama a remarca.

Despues cu su casa a fayece, sra. Rosa a haya e plaza situa na Caya Betico Croes # 34, pero a haye hopi deteriora. “Tur dia mi ta bin 6’ or di mainta, mi ta haya chollernan, boternan, pues un descuido total. Mi a papia cu e bisiaña pasobra e muraya no ta di nos, y mi a punte si mi por haci un decoracion pa beneficio di pueblo: no pa nos. El a

bisa mi: ‘hacie numa pero no dañá mi muraya’. No! Mi a drecha su muraya, mi a hacie hopi limpi, y mi tin hende pa hacie limpi henter dia.

Mi a bay gobierno punte si mi por haci e espacio parti di nos, pa nos lanta un fundacion pa yuda hendenan cu kier haci presentacion di arte. Tin hopi hende hoben cu ta busca un oportunidad pa presenta nan arte, cu ta hopi importante pa nan, y cu no tin un lugar unda nan por haci esey”, sra. Rosa Godet a señalá.

Esaki ta bay bira un hanchi unda por tin presentacion di arte anto completamente gratis pero pa nan haya beneficio di dje, aunke e lugar ta



chikito e por cumpli su funcion aki.

Ya caba tin personanan cu ta pasa tuma potret, ora nan ta wak e parti pariba dorna cu tela di diferente color.

APERTURA:

Durante e apertura e famia ta bay devela dos borchin: un na Papiamento y otro na Ingles, hunto cu un potret di sr. Ashok y su yiunan, y e kier haci un presentacion hunto cu ministernan, entre nan e Minister di Turismo, Cultura y Transporte. Ta importante pa e hendenan para y saca potret akinan pa asina promove Aruba mas den exterior.

E apertura lo tuma lugar entre 5’ or di atardi pa 8’or di anochi. Nan ta bay cera tur dos banda warda e Minister nan pafo, y ora nan ta bin lo corta e cinta bin aden, unda lo tin un brindis y e develacion di e borchinan.